

西  
巡  
大  
事  
記

西巡大事記卷五

光緒二十七年正月

目錄

劉坤一張之洞致樞垣聯軍南行和局將潰電正月初二日

劉坤一致樞垣懲辦禍首各使要挾甚堅電初二日

李鴻章致樞垣英趙賜死可通融啟徐擬索回自行正法電初三日

于蔭霖致樞垣遵旨安速議辦豫省教案電初三日

李鴻章致樞垣擬諷啟徐自盡日使不允電二件初四日

李鴻章奏接楊儒電俄約十二款摘要謹陳電初五日

錫良致樞垣洋兵據廣昌等處自請懲處電初六日

奕劻等致樞垣東三省事請令楊儒探詢俄廷口氣再議電初七日

馮子材奏聞和局有請迴鑾之議顧慮實深摺初七日

宋慶馬玉崑錫良致樞垣德兵佔鞍子嶺自請嚴議電初七日

張之洞致樞垣增祺擅定暫約萬不可允電初七日

李鴻章致樞垣請將保護洋人諭旨字句略爲增減電初八日

奕劻李鴻章致樞垣東省事俄使謂各國讒言請置勿理電初九日

盛宣懷致樞垣俄約請乘各國牽制竭力減除電初九日

劉坤一致樞垣意國外部言不可與俄訂借土駐兵之約電初十日

李鴻章致樞垣俄約延緩恐誤事電十一日

奕劻李鴻章致樞垣開復徐用儀等諭旨各使謂詞涉隱括電十二日

盛宣懷致樞垣鹽務若歸官辦即敷賠款電十三日

劉坤一致樞垣日領電稱中國若允俄索甚爲不利電十五日

呂海寰致樞垣公約宜速結庶兵撤而費省電二件十七日

奕劻李鴻章致樞垣俄約事愈緩則愈緊請熟籌電十七日

奕劻李鴻章致樞垣俄使請定期畫押否則用公文訂議電十八日

奕劻李鴻章致樞垣俄約如布告怒必更甚電十九日

李盛鐸致樞垣日參謀部言德兵來華志在攘地電二十日

軍機處致奕劻李鴻章袁世凱德犯山東陰謀祈確查電二十日

宋慶等致樞垣長城嶺失守請飭迅商德使撤兵電二十一日

張之洞致樞垣英領云中國須將俄約各條明告各國電二十一日

劉坤一致樞垣允俄約則各國羣起旣難敵俄何能敵六國電二十日

李鴻章致樞垣俄約駁改數款保全不少請照准電二十三日

盛宣懷致樞垣昨寄傳相電云各國未必肯結俄怨電二十四日

劉坤一致樞垣呂使電云公約速結再商俄約乃爲上策電二十五日

張之洞致樞垣瀝陳俄約效尤之害請勿遽行定議電二件二十五日

宋慶等致樞垣德法洵洵晉省防不勝防擬按兵以維和局電二十五日

劉坤一致樞垣日所稱俄約應刪改各條似宜令楊儒商改電二十六日

宋慶致樞垣晉省防務與錫良等和衷會商電二十七日

奕劻李鴻章奏和議將成預籌調撥勁旅彈壓京畿摺二十七日

張之洞致樞垣俄約請商展限以免各國之怒電二十八日

奕劻等致樞垣俄約既經刪改若待各國排解恐未必再讓電二十八日

西巡大事記卷五

黃巖弢夫王彥威輯

男希隱亮編

孫孝章敬立校

光緒二十七年正月初一日 駐蹕西安府城

初二日 駐蹕西安府城

劉坤一張之洞電信 鑿電旨恭悉坤一之洞遵照樞電疊次函電各公使暨各外部設法解救情形已於昨夜鑿電詳達軍機處並知照全權矣初擬救四繼救一各外部均無覆電恐無益聯軍不日南行和局將潰彼挾兵威不講情理伏候聖裁請代奏坤一之洞同肅卅戌

劉坤一  
張樞  
致南  
軍將  
聯和  
局電  
行電  
潰

軍機處致全權大臣電 初三當降旨端瀾由斬監候加恩遠禁英趙賜死啟徐索回自辦聽其監刑剛定斬決已死免議徐殉難較剛爲輕已革職請免議惟來電可否令教士監視一節恐一時民心輿動非但恐傷教士後禍尤不勝防緣趙公論皆稱冤陝甘人尤憤也莊毓已派員監視在京者彼可監刑已囑照辦是各國照會其實處均已辦到惟虛處略事通融當可照允希密籌速覆

劉坤一  
致辦  
樞垣  
懲首  
禍各  
要挾  
甚堅  
電

劉坤一電信 宥電及豔電旨均奉到坤一於未接宥電之前曾託駐寧各領代達公使懇爲商減再三與商始允轉電屢請尙無回信各使覆全權詞意決絕似難轉圜此事樞紐全在各使駐寧各領現難分託惟有駐滬各領代達公使告以首禍諸人業已分別懲辦朝廷實一意

主和惟趙舒翹查辦拳匪兩日即回頗有解散惜辦理草率第前在蘇撫任內辦交涉各事亦尙持平其無仇視意可知現定斬監候實已情輕法重英年雖會銜出示曾經阻止惜未能力爭惟究屬爲從量情亦宜末減懲辦禍首曾經電奏必須嚴辦如果情罪相當何肯轉爲商減實緣英趙非毓賢等可比惟望深念睦誼力爲解釋至啟秀徐承煜兩人並望交還如果應得重罪由中國自行嚴辦囑各領代懇公使電由盛宣懷轉託惟各國要挾甚堅能否就範毫無把握仍請俟全權大臣具奏到日察核施行請代奏坤一卅

旨寄奕劻李鴻章來電均悉朝廷已盡法懲辦禍首而各國仍不滿意要挾甚迫現存諸人即照前次照會辦理實因社稷民生爲重當可止



李鴻章致  
趙英趙  
端王瀾  
公必  
賜死可  
通融  
徐可  
索回  
自行  
正法  
電

兵不至再生枝節茲定初三日降旨初六日懲辦惟英趙已無生理或通融賜死啟徐索回自行正法該親王等迅速密籌或倩美日等國及赫德等轉圜並商明已死諸人不再追咎即日電覆

### 初三日 駐蹕西安府城

李鴻章電信 英使派傑彌遜來面稱英趙賜死可通融端王瀾公必須定斬監候隨後可加恩發往新疆永遠監禁至已死諸人可不追究惟須明降諭旨數其罪狀載明本應斬決業經身死現已奪官撤去卹典如此或可了事監視行刑請就近派教士往觀亦首肯啟徐可索回自行正法英使既允行各國諒無異議乞速請旨

上諭此案首禍諸臣昨已降旨分別嚴行懲辦茲據奕劻李鴻章電奏

于蔭霖致  
桐垣遵旨

按照各國全權大臣照會尙須加重懇請酌奪等語除載勛已賜令自盡毓賢已飭即行正法均各派員前往監視外載漪載瀾均定爲斬監候罪名惟念誼屬懿親特予加恩發往極邊新疆永遠監禁即日派員押解起程剛毅情罪尤重應定爲斬立決業經病故免其置議英年趙舒翹昨日定爲斬監候著即賜令自盡派陝西巡撫岑春煊前往監視啟秀徐承煜各國指稱力庇拳匪專與洋人爲難昨已革職著奕劻李鴻章照會各國交回即行正法派刑部堂官監視徐桐輕信拳匪貽誤大局李秉衡好爲高論固執釀禍均應定爲斬監候惟念其臨難自盡業經革職着撤銷卹典免其置議

河南巡撫于蔭霖電信

頃奉電傳諭旨據奕劻李鴻章電奏河北教

妥速議辦  
豫省教案  
電

案著即趕緊查明並將查辦情形先行電奏欽此豔等因並接全權大臣電信前因查河北武安縣教案經飭司委候補直隸州孔廣聰前往會同已撤知縣陳世偉與羅教士司教士議定共給賠修撫卹銀一萬三千餘兩倉穀三百石已將銀穀交清與各教士業經公同立約旋於十一月間祇據司教士來文一次內稱善後未協並無信件隨飭司復委原查委員並添派彰德府善承林縣俞紀瑞詳細覆查妥速辦結因印委與各教士往返商酌需時尚未據稟覆是以未即回答各教士並未來省求見之事涉縣教案已飭彰德府就近委員會同該縣與教士議定償銀二千兩並籌給房租米石撫卹教民並追出教民等所支社會錢文給領亦立約畫押已將該縣車均撤省查看滑縣有梅教士

避匪外出被教民將寄存衣包驢頭隱匿已由該縣傳案追繳教民房  
屋稍有損壞已飭籌款修葺該署縣呂耀卿已經撤調安陽縣境僅有  
天主教置買民房一所查無搶毀滋事等情外有英教士人等早已護  
送出境報明有案現將該縣石庚另調他縣輝縣境夏間僅有民阻汲  
水之事早已民教自行和處餘未滋事衛輝有新立教堂一所因夏間  
浮言搖惑該地方官恐其被擾卽勸令該教士教民等攜帶細軟衣物  
出境暫避妥爲護送所遺教堂牆屋如舊僅門窗什件稍有損失現由  
該府札飭縣委商同修補茲又將河北道岑春榮撤調另行委署此河  
北教案已辦現辦之實在情形也他若河南之浙川南陽各廳縣英國  
教案已早委候補府傅雲張承綸候補縣戴作中鄭鴻瑞車模前往會

同各地方官查辦現已將從前辦理不善之荊關協陸懷恩署南陽鎮尹嘉賓署南陽縣袁福齡先後分別撤叅所失物件已追出大半惟數目未全尙未議結已電致湖廣總督張之洞先行告知英領事知照此南陽一帶辦理教案之現在情形也現奉諭飭按照來電趕緊查明妥速籌辦完結因特加派候補道馮光元刻卽前往將所有教案督飭該印委會同各主教趕緊商辦作速議結有需款項之處隨時籌給俟議定後各教士回歸入境卽嚴飭各地方官並加派兵役節節保護應請飭下全權大臣轉致各公使勿先派兵護送蔭霖身膺重寄責無旁貸時時與各司道籌商將應辦教案妥速議辦復經在臬署專設交涉局並札委糧道候補道襄理其事萬不敢置之不理致誤時局除已電覆

李鴻章致  
樞垣擬稿  
敗徐自盡  
日使不允  
電二件

全權大臣外謹遵旨電覆請代奏

初四日 駐蹕西安府城

李鴻章電信 啟徐已被拘不能不請旨定斬決以冀索回自辦今既  
允於初六辦若及此時明告兩人知無可逃死速即自盡各國當可商  
允即使戮尸亦較駢首爲稍心安請酌辦

李鴻章電信 啟徐拘留日本營房防守嚴密前日曾以自盡一節商  
之日使渠堅不肯允云各國皆知正法難再改詢以該武官曾勸令自  
盡何爲不可渠云今非昔比必須遵旨辦理且不願交回歸刑部監禁  
祇肯於派員迎提時由該國派兵逕送至市再三商酌始允送交刑部  
略一耽擱即隨同刑部堂官押赴市曹正法似此情形斷難再商且聞

近時防守加嚴更難設法通消息惟嗟歎而已

### 初五日 駐蹕西安府城

軍機處交內閣上年十二月十三日頒發教案上諭二道現據全權大臣奏請更正本日補發希即轉傳各衙門到閣鈔出分咨各省遵照更正諭旨刊刻謄黃徧行曉諭並將前發諭旨即行撤銷

李鴻章電奏 接楊儒電俄國約彙十二款摘要電陳

第一條 俄國皇帝願表友誼於中國不意滿洲有開釁之事惟待滿洲全行交還之後中國吏治當一切復舊

第二條 按照東三省鐵路條約第六條許東清鐵路公司置兵以保護線路現因地方未靖不能撤兵暫留若干俟地方平定及中國辦

李鴻章奏  
接楊儒電  
俄約十二  
款摘要謹  
陳電

到本約第四款之日爲止

第三條 若遇急變留駐之兵當以全力助中國以彈壓之

第四條 此次俄國所受攻擊華兵最甚中國於鐵路工事未竣火車未開以前不得派設兵士他日派兵之時其數目當與俄國商定又禁止兵器彈藥運入滿洲

第五條 爲欲保全中國地方凡將軍大員辦事有不協邦交者經俄國聲訴之後即當革職其於滿洲內地設馬步巡捕亦當與俄國商定數目除軍械礮火供差以外不得用他國人員

第六條 中國應照前允之議凡中國北境海陸軍不得聘用他國人訓練



第七條 爲欲保全地方租地條約第五款所載隙地當由地方官別立專章並廢除專條第四類金州自治之權

第八條 中國國境各處及滿洲蒙古新疆之塔爾巴哈台伊犁喀什噶爾葉爾羌于闐等處路鑛及他項利益非經俄國允許不得讓與他國或他國人並非經俄國允許中國不得自行造路又除牛莊以外不得以地租與他人

第九條 此次俄國軍費當由各國賠款一併償還至其數目及還清限內抵押之物與各國會同辦理

第十條 毀損鐵路及公司工程師及被劫財產耽延工事等償款當由中國與鐵路公司協商照賠

第十一條 上條賠款議定之後當以別種利益爲抵押之法或酌改舊約或別讓利益

第十二條 中國應照前允成議由俄國造一鐵路直至長城其幹路或枝路得向於北京此事照現行鐵路條約辦理

查各款留兵名爲保路實注意末四款禁運滿洲軍火禁用外國人練兵並及北省水陸蒙滿新疆均有金鑛鑛路利益一網打盡又造入京枝路鐵路賠款用他項利益相抵蓋指關稅路鑛等事隱而不露其侵我兵權利權以圖自便可謂周密無隙凡此均彼國牢不可破之成見特乘此時勢要挾逼我不能不許惟據稱六款十二款我早允之禁我設兵指成議以前爲時尙暫禁運軍火係仿京約懲換大員不始今日

內地彈壓本不須礮長城以北由俄經營英俄早有成約又較戶部所述之款刪去將軍候商放派文武員稽察兩節又稍減明索權利之款罷派文武員尤免轆轤至增入暫章之三四五七款暨繳軍械事均未開列此卽彼所云讓者已盡讓也彼意甚堅詞甚決應如何分別辦理請示遵行等語謹代奏請旨

吉林副都統晉昌奏時局艱危仍請以戰爲守摺

又奏東三省地形足恃仍請主戰片

旨寄色楞額所有晉昌統帶之育字軍前已諭令遣散現據所奏仍在庫魯一帶聯絡蒙兵欲圖恢復必生枝節著色楞額迅飭該革員回京勿再生事並飭各蒙古部落萬勿爲所煽惑致生事端

旨電奕劻李鴻章懲辦禍首業經照辦則和局亟應早定以便商令撤兵所有各條亦宜速商毋再延宕昨擬改諭旨二道不得已均照來電更正頒行惟必須將傳教一事安定章程以免後患儘可約同不傳教之俄日兩國及雖傳教而最和平之美國公議嗣後教士不得再有欺凌平民及干預詞訟情事向英法德三國使臣會議永定約章總期民教相安若一味嚴束平民激成禍變卽各國教士教民亦大有不利而中國之大員地方官不勝懲罪民情怨憤人才消沮何以爲國此次大亂亦實因教民平日欺負良民積憤莫洩拳匪因而煽惑所致聞各使亦頗知此中情形該王大臣等務趁此商議條款之時一併妥商一平允專條以弭後患是爲至要



侵我自主之權頃據劉坤一電稱日英兩國之意以中國此時與某一國定立條約不可允其獨享利益以及壤土之權必須與各國商辦方能保全等語李鴻章從前曾與俄訂密約中俄交際情形最爲熟悉近日該國覆到國書情詞肫懇聲明不侵我主權現在事機萬緊朝廷惟該大學士是賴楊儒雖派全權其約內極有關繫之處仍須先與俄使切實磋磨一面將劉坤一電稱各節悉心體察設專顧俄約而英德日各國援以相爭是以一俄而掣動各國後患將不可勝言著奕劻李鴻章設法統籌兼顧能將俄與各國各不相下處銷融無跡斯爲至善將此諭令知之

山西巡撫錫良電信

頃據升藩司稟去臘初間洋兵退出浮圖峪後

廣昌等處  
自請懲處  
電

仍不時來往德國副帥函致防軍各營云祇看長城不到廣昌嗣與途中相遇亦接以禮並無決裂形迹詎本月初二日早忽分三路來撲廣昌萬本華督率所部婉爲勸阻彼竟鎗礮齊施傷我弁兵數百人不得已退守艾河又據龍泉關守將秀崑等稟初三日突有洋兵來撲鞍子嶺我軍百方抵禦鏖戰良久彼族後隊繼至率同教民蜂擁而上鎗礮如雨士卒民團死傷大半勢難再支遂退長城嶺請速撥兵救援各等情查此次洋兵分道而至恐係銳意西趨晉邊防守各營多係未經戰陣馬玉崑所部本作遊擊之師分駐腹地現商設法接應以顧大局廣昌及鞍子嶺雖均係直境但緊接晉邊今遽失此險要總由錫良調度無方咎何可辭應請從嚴懲處夏毓秀一軍駐韓侯嶺兵力尙強可否

調赴省北以杜敵人深入之處伏候聖裁請代奏良歌

軍機處致錫良電信 奉旨錫良歌電悉初二初三洋兵分撲廣昌及  
鞍子嶺我軍民團傷亡甚多等語又據奕劻等電奏廣昌華軍有致駐  
保德提督函如德兵到彼特與接仗此言與戰書無異升允現駐廣昌  
所部先與法人互鬪傷彼數人法兵報復擊斃我軍二三十人正飭排  
解乃又與德人挑釁意在阻撓和局等語實堪詫異現在和局漸將就  
緒豈可再啟釁端致誤大局著錫良卽飭廣昌防兵退紮晉疆擇要嚴  
密防守一面照會洋員定明界限各不相犯並查明何人函致德提督  
有接仗之語抑係漢奸偽造挑釁務得確情分別嚴叅總期嚴固防守  
勿使藉口進兵力保和局爲要本日已電諭奕劻李鴻章切商阻止洋



兵矣

軍機處致宋慶馬玉崑電信 奉旨頃據錫良電奏初二初三兩日洋兵分撲廣昌鞍子嶺我軍力禦不支退紮艾河長城嶺等語現在和局漸將就緒洋人忽又藉口進兵其心叵測已飭錫良將防兵退紮晉境扼要防守一面照會洋員定明界限各不相犯誠恐有意尋釁仍復西進著宋慶馬玉崑會商錫良同心協力逐細妥籌嚴防固守勿稍推諉疏虞以固大局是爲至要並電諭奕劻李鴻章商阻洋兵矣

旨電奕劻李鴻章電悉廣昌華軍有函致駐保德提督與戰書無異似意在阻撓和局等語已電飭錫良升允將防營撤回晉疆定明界限各不相犯免滋事端同日接錫良歌電據稱去臘初間洋兵退出浮圖

峪仍不時往來德國副帥函致防軍各營云祇看長城不到廣昌嗣途中相遇亦接以禮並無決裂痕迹忽於初二早洋兵突分三路來撲廣昌萬本華婉爲勸阻彼竟鎗礮齊施傷我弁兵數百人不得已退守艾河初三日洋兵又撲鞍子嶺士卒民團死傷大半龍泉關守將秀崑等退至長城嶺各等語似係有意尋釁所稱致書德提督究竟有無其事現在首禍一條已照議懲辦原期早定和局細議各條今又藉口進兵設我兵撤回山西界內防守險要全失洋兵仍復西進不已大局何堪設想著該親王等迅與各使婉商務令洋兵撤回勿再四出滋擾以保和局是爲至要

初七日 駐蹕西安府城

奕劻等致  
樞垣東三  
省事請令  
楊儒探詢  
俄廷口氣  
再議電

## 西巡大事記卷五

十一

附刊之一

奕劻李鴻章電信 前致楊使勘電將日本英使議轉告請與俄酌商  
嗣德美義奧先後來轉致其政府電均同鴻謂諸國何不徑與俄政府  
商辦彼謂此事應由中國作主復面商俄格使云應置不理此我兩國  
之事與各國無干頃接楊使冬電勘悉日外部言暨英政府電均以東  
事應歸公議其設謀用意甚深諭旨飭斟酌妥籌仰見朝廷鄭重至意  
竊以照尊意所囑切商俄各部一節有不得不通籌熟計者當兩月前  
格使述政府意願將東事在俄分議彼時却之甚易迨已派全權專商  
而約款未就欲圖緩議亦尙未晚故儒儉電亦有暫緩之擬乃國書已  
遞約稿已交俄主覆書且催商訂今我忽欲改圖恐彼非置不理卽嫌  
我猶豫不理則告猶不告猶豫則更加藐視倘一言不合竟罷交收在

儒債事之失小而關繫全局實大再圖補救遲矣愚昧之見如朝廷決意不欲另立約章應先請旨收回全權之命並由儒與格使同時傳旨告俄外部改歸北京公議一面請英日政府徑商俄政府俄不畏我尙畏公論我不便觸俄怒而英日尙不致畏俄俄亦不致遷怒於我況中日同洲英德有約旣云應歸公議據理折之振振有詞不爲越俎竊慮彼恐傷俄好不肯告俄聳我自定特預爲效尤地萬一俄因此決裂卽另立約章亦不商議歸地彼效尤者更爲得計大局尤不可問儒非惜一啟口之勞惟轉圜之計必須預籌候訓示遵辦請代奏云臣等查俄國書已覆約稿已交斷無收回全權之理格使雖云不理當已密告其政府可否仍令楊儒探詢各部口氣若何再與從容議約急脈緩受爲

馮子材奏  
聞和局有  
請迴鑾之  
議顧慮實  
深摺

宜奕劻李鴻章魚

雲南提督奴才馮子材奏爲風聞和局有請迴鑾之議顧慮實深恭摺  
仰祈聖鑒事竊奴才疊探和議各條外人欺凌太甚不勝憂憤近聞皇  
太后皇上將有迴鑾之信愈深焦灼此信如未確實殊爲幸事如其實  
矣必中詭計務乞我皇太后皇上萬萬不可受其牢籠彼族狡詐實所  
深知上年巡閱邊關查得緬國某王受其詭譎幽於海島之中遂失緬  
甸此外印度各國被虐幽於海島者實有八王前車之覆後車之戒此  
皆聖上所不暇知不得不直陳也區區血誠不勝戰慄伏乞皇太后皇  
上聖鑒訓示再此摺係電寄陝西巡撫臣岑春煊繕摺代奏合併聲明  
謹奏光緒二十七年正月初七日到

宋慶馬玉崑錫良致電  
自請嚴議  
佔鞍子嶺  
樞垣德兵

宋慶馬玉崑錫良電信 昨據龍泉關守將秀崑等報洋兵忽撲鞍子嶺我軍士傷亡退守長城嶺頃據萬本華靈邱縣知縣陸紱釗報德兵已過廣昌佔艾河我軍退守晉境之腰站等語慶等查款議已成而彼進兵不已實有意西犯現由慶等分撥各營赴長城嶺靈邱兩路接應先向理阻萬一不聽亦難任其長驅直入惟有竭力禦之一面部署各營嚴整以待所有前次東來蘆臺潰勇正欲資遣現值防務戒嚴察其人尙可用擬編三營留備緩急是否有當謹請代奏仰乞訓示惟鞍子嶺廣昌險要遽失慶等未能先事預防咎無可辭應請一併予以嚴議

宋慶馬玉崑錫良叩魚

旨寄錫良等魚電悉德兵已過廣昌防務愈形喫緊卽著錫良宋慶馬

張之洞致  
樞垣增祺  
擅定暫約  
萬不可允  
電

玉崑懷遵昨日諭旨同心協力督飭各營嚴扼晉境妥籌防守仍照會  
洋員婉切商阻勿任過界儻彼兵仍復進犯惟當設法竭力阻禦節節  
布置不可使彼有所藉口仍將洋兵情形隨時電奏至蘆臺潰勇著准  
其暫編三營認真挑選成軍以備緩急升允因應未能得宜著錫良迅  
將該藩司撤回其所統各營即會商宋慶馬玉崑另揀穩幹大員接統  
扼紮勿任輕肇釁端

張之洞電信 增祺與俄國擅定暫約事荒謬萬狀果如所約東三省  
及直晉陝甘沿北邊一帶皆非我有矣兵權利權政權全失所謂交還  
有名無實幸楊儒力持暫緩批准今見楊使電約稿十二款雖略有刪  
節大致仍與相仿各國效尤仍是瓜分之局查此事去臘英領事面言

力陳此約萬不可允惟有將所索各條布告各國公議近日日本外部  
屢次來電云日本力勸各國阻止此約英德美政府意見皆同各國之  
意皆暗助中國拒絕俄國要求爲中國計一切條約必須與各國公同  
商議纔能保全中國呂使來電德外部亦勸中國勿允此約總之此約  
萬不可允惟中國獨立則難爭今幸英日德俱助我惟有以衆論公議  
拒之伏懇朝廷萬勿允許與各國從長密議總可挽回許多此事斷不  
汲汲於一半月內至如何抵制之法容續籌上陳請代奏之洞肅語  
旨電奕劻李鴻章魚電悉又據劉坤一張之洞電稱各國之意均以東  
三省之約爲不然此事關繫重大非楊儒所能了結朝廷深思熟計急  
遽固非所宜延緩亦恐誤事著奕劻李鴻章統籌全局悉心擘畫或婉



商英德日美奧義各公使通籌一妥善辦法或面商俄使別圖補救總之既不可激俄廷之怒亦不可動各國之憤李鴻章熟悉俄情此中因應機宜尤在該大學士之善爲操縱耳本日據錫良等電奏洋兵西進不止且有法兵逐我燕晉交界駐紮之兵聲稱直隸爲其劃界之地華兵不得過境此語從何而來均宜向其剖析屬令退兵我軍已退至晉界如再前驅勢難坐待奕劻李鴻章迅速切商阻止即日電覆升允已撤換矣

### 初八日 駐蹕西安府城

李鴻章電信 德使來言昨小隊在廣昌與我兵接仗因知懲辦禍首已定案即不前進現退至保昌之交以後不再派兵深入云

李鴻章致  
樞垣請將  
保護洋人  
諭旨字句  
略爲增減  
電

軍機處致全權大臣電信 葛寶華於初三日在蒲州監視莊王自盡  
何福堃於初四日在甘肅監視毓賢行刑岑春煊於初六日在陝監視  
英年趙舒翹自盡特電聞

李鴻章電信 前擬第十款保護洋人旨已照發頃據領銜日斯巴尼  
亞葛使照會請將諭旨內字句略爲增減送底稿來亦無甚礙惟末條  
地方官處分請將督撫文武大吏及有司各官一概革職永不敘用太  
重因改增入或另有違約之行不即時彈壓犯事之人則立行懲辦似  
此則情節輕重自可隨時查酌證據分別辦理並請於八月內降旨發  
鈔字句增減如下第一條匪徒藉仇教爲名句內仇教二字改減洋糾  
衆立會句下增攻擊各國民人六字以致焚毀教堂句下增各國民人

房產等業八字拒捕戕官句下增殺害各國民人六字殺害各國民人之各城鎮句殺害下增凌虐二字減去各城鎮之各字毫無歧視句下增無論民教四字何得輕信謠言句下減去藉詞報仇託名義憤八字私立仇教各會改爲擅入仇視各國民人各會十字除將爲首之人改爲將首從各犯五字盡法懲治下減去自外字至問死止共二十五字第二條倘有不逞之徒句下減去假託義憤四字戕虐凌害洋人句內改爲各國洋人四字釀成鉅案句下增或另有違約之行不即立時彈壓犯事之人不立行懲辦者該省督撫文武大吏及地方有司各官一概革職永不敘用句下接不准投効各省六字

旨電奕劻李鴻章據錫良電德帥致書及致德兵官函均係漢奸捏造

奕劻李鴻章致樞垣  
東省事俄  
使謂各國  
議官請置  
勿理電

恐瓦帥未悉其情著卽告知並令勿再西犯

旨電慶親王奕劻李鴻章據盛宣懷電稱衢州教案欲歸全權在京議  
辦惟英駐京公使欲駢誅鎮道府營及紳士並前撫臬遺戍查抄究屬  
過當著奕劻李鴻章將全案確核與英使磋磨至所擬罪名務須駁正  
初九日 駐蹕西安府城

奕劻李鴻章電信 頃俄格使來鴻章寓中痛陳俄京約款一事中國  
如聽各國讒言不願立約則東三省必永爲俄有試問東省係何國所  
佔係由何國交收各國豈能攙越告以約款有過當處應由楊使與各  
部駁辯如第六款北境水陸師不用他國人教練前使巴德羅福曾有  
照會總署並未允定十二款自幹路或枝路造路直達長城巴使亦有

此說並未明言至京今忽添向京二字此二節並非已允成議八款蒙古新疆連界各處礦路利益不得讓他國是歸俄壟斷他國若見此約必犯衆怒其實蒙古新疆並無他國覬覦礦路利益者各國禁運軍火正擬商改年限東省亦不應永禁凡此皆當由楊使逐細磋商貴國切勿性急格遂謂還交東省本國兵部及武官皆不願幸外部力持若聽各國浮言猶豫不定兩國邦交大局甚有窒礙且各國無以此語告我政府者以不干已事與中國爲難必當置之不理除電楊使外請代奏

慶李陽

旨寄奕劻李鴻章陽電悉俄使以此事與各國無涉中國當置之不理其勢固做不到若竟將俄約延宕不辦則三省必不願交還各國將相

盛宣懷致  
樞垣俄約  
請乘各國  
牽制竭力  
滅除電

率效尤大局不堪設想朝廷體察情形若能乘機借力各國以圖牽制將必不可允者除來電所指各款外如第七條內將金州自治之權廢除一款一併力與辯論但能做到勿佔據我土地勿壟斷我利權俾各國不致藉口或亦權宜結束之一法著奕劻李鴻章詳加參酌妥慎辦理一面婉商各使開誠布公協力勸俄相讓勿徒與我暗中爲難方臻妥善仍轉電楊儒酌辦

盛宣懷電信 俄約各國止我另議而不自問俄國是助阻之意少效尤之意多若竟罷議俄必不交各國踵起立成分裂似可乘機借力各國牽制將必不可允者責成李相楊使竭力滅除並由劉張覆日本等國請其設法幫助勿徒逼我乞備酌宣懷庚

旨寄劉坤一張之洞交還東三省條約十二款各國皆不以爲然而俄  
以此事與各國無涉中國應置之不理詞意甚堅若竟罷議俄必不允  
交還各國從此效尤大局何堪設想除電奕劻李鴻章楊儒設法辯駁  
務臻妥協外因思各國既紛紛電告劉坤一張之洞即著該督等乘機  
勸令各國幫助辨阻將中國獨力勢難堅持向爭電告各外部請協力  
向俄說項務得妥善辦法勿徒令我爲難致使進退維谷總期保全大  
局爲要

### 初十日 駐蹕西安府城

劉坤一致  
外部言不  
可與俄訂

劉坤一電信 滬日總領電奉外部電飭准駐意欽差電意國外部總  
辦言該國政府已飭駐燕意使向中國聲明萬不可與某一國另訂借

土駐兵之約此約一訂局面大有礙意國此次忠言恐係德所勸云現聞俄定十二款反客爲主權利盡失各國既均聲告允則大局有礙惟明告我允則均必效尤不分而分雖存實亡或慮萬一因此決裂亦不商議歸地各國更爲得計然允則各國羣起而爭中國斷難自全反覆籌計與其坐以待亡曷若堅與相持一國要挾與各國爭效輕重懸殊遷就一分即受一分之禍矧此時中國能堅持到底公論所在俄亦有所顧忌各國明悉利害俄得志東方日爲唇齒固最受害即英德亦無安枕之日是以皆有忌意再三相告如爲以後效尤計彼各挾兵威無所不可何必豫爲聲明此實逆料中能堅拒俄必躊躇反顧日領前已言之爲今計拒恐決裂允必瓜分急脈緩受誠爲良策第孤立無助雖



緩亦仍無益更恐勢難終緩擬請鈞處分電李羅伍呂各使密商外部告以俄若逞志各國均有後累懇其聯約各國出爲排解倘各國能虛張聲勢揚言相助不必實有其事當可戢俄驕志與中國和平商結敬候鈞裁坤一佳

十一日 駐蹕西安府城

李鴻章致  
樞垣俄約  
延緩恐誤  
事電

李鴻章電信 魚虞電旨敬悉昨又晤俄使催索趕訂約款甚急與陽電所言相同切囑不可激俄廷之怒致即決裂各國詭計嘗試欲離間我兩國邦交尤不可信云頃又接俄戶部微德密電謂請將交還滿洲條款照所索各節從速核准現經本國用兵力所取應行佔據之滿洲始能交還否則暫據將成久據我深願中朝勿信英日各國讒言蓋其

心但欲損害中國如中國果照俄所擬條款辦理則俄用兵力所得之滿洲可仍爲中國土地此卽俄所以報中國也等語似此情形延緩實恐誤事各國私議全係日本領事串通各國之言皆明證也劉張素暱日英易爲所動日本亦但據報館傳播增祺旅順前約殊爲過慮不知此約已廢若照俄廷約款除第八款蒙古新疆礦路外似尙無甚紕繆楊使卅電所謂可讓者已盡讓自宜早定爲是不致遂動各國之憤亦不致以一俄掣動各國各國不肯告俄廷獨向中國饒舌其用意別有在甚至謂不應立約交收大事豈能不立約據俄人謂其但願攙散不交庶各國皆可藉口佔我土地陰謀實不可問至旨謂將金州自治之權廢除與全行交還相背查此議係鴻在總署時力爭而得亦知孤留

一城非久計數年來俄員與地方官常有口角已不相安去秋竟將副都統及文武各官全行拘送海參崴庫頁島管押非和議速定不能釋回似此孤城留兵何益伏候聖裁除電楊使外請代奏李鴻章佳

旨寄奕劻李鴻章蒸電佳電均悉據日使所言電致出使各國大臣各節昨已有旨分電各使轉向各外部婉向俄廷曲爲商減與該親王等辦法大致相同惟交還條款俄催速定固難延緩致激俄怒然各國既嘖有煩言若竟不理亦恐藉口羣起爲難此中關繫甚重該親王等務當籌計萬全總期定約以後各國不致另生枝節方爲妥善至條款內仍有應力與磋磨者如陽電所指第六第八第十二各款必須商改鐵路直達長城向京一節尤關緊要又第四款路工未竣不設兵隊應專

指鐵路邊旁而言軍火禁入滿洲應與公約同時起止不得永禁第七款將金州自治之權廢除亦知孤城留之無益特恐各國即指爲割地實據藉口效尤耳第八款路礦各利益非俄允不讓他國宜聲明中國自辦不在此例或中國借款先儘俄國第十一款上項賠款可將全數或分出若干以他項利益作抵恐係注意陸路關稅及山海關鐵路等事必與言明須與此次公約各國利益相埒該親王等當妥細統籌務與俄使逐款分晰剖辯力圖挽救並一面電知楊儒按照此電所擬婉切商改毋誤事機爲要

上諭前已有旨將載漪革去爵職發往新疆永遠監禁卽著陝甘總督寧夏將軍新疆巡撫及阿拉善王查明載漪現在行至何處迅卽奏聞

一面派安員押解該革王前往戍所毋任逗遛

上諭前飭令溥儀隨侍載漪聞已行抵阿拉善卽著阿拉善王多羅特色楞轉行傳諭溥儀務將載漪迅速尋覓儻尋覓不獲不准溥儀回陝將此由六百里諭令知之

### 十二日 駐蹕西安府城

李鴻章電信 景澧梁仲衡遵旨於初八日將革員啟秀徐承煜押赴市曹監視行刑訖請代奏

奕劻李鴻章致樞垣開復徐用儀等諭旨各使謂詞涉隱括電

全權大臣電信 上年十二月二十五日蒙恩將徐用儀等五員開復原官當卽恭錄諭旨照會各使旋據該使等面稱該五員實係力駁攻擊使館致罹大辟代抱不平頃據領銜葛使照稱諭旨內有數句令人

閱視一似攻擊使館係徐用儀許景澄袁昶聯元立山五員之意按諸國大臣所開發鈔該五員之奏摺明與此語不符是以諸國大臣未能允在公文中有此等隱括之詞現核定應另請重發開復該五員之諭旨其中務須詳細言明開復慘罹大辟之五員係因其當日力駁攻擊使館之故等語查上諭內朝廷勦撫兩難迭次召見臣工以期折衷一是乃徐用儀等重經一再垂詢辭意均涉兩可與廷臣同召對時所聞之語似有未符使館內來往傳話者衆口一辭是以該使等不願在公文中有此等隱括之語雖係加恩臣下與外人無涉而其獲罪因力駁攻擊使館亦難禁其饒舌若置之不理恐不肯續議別款致礙和局擬仍與該使等婉商未知其甘服否應如何預籌變通之處伏候聖裁請

代奏奕劻李鴻章真

旨電李鴻章來電閱悉去年十二月二十五日開復徐用儀等諭旨內  
勦撫兩難語係專指拳匪而言與攻擊使館無涉徐用儀等亦並無力  
駁攻擊使館之奏何從發鈔近來各處報館往往捏造蜚語聳人聽聞  
各使難保非見報館所亂道以致生疑私刻之與官報不難一望而知  
至懲辦五員實因當時首禍諸臣藉端誣譏既經開復已足昭雪着與  
各使分晰剖明勿再異議

十三日 駐蹕西安府城

盛宣懷電信 賠款七萬萬聞可連利在內分五十年還清每年還一  
千四百萬兩誠能如此未始非國書之力惟欲以漕鹽常稅歸洋員辦

盛宣懷致  
樞垣鹽務  
若歸官辦  
即敷賠款

據稱止取中飽已可抵數英德人皆言鹽務若照印度悉歸官辦就場徵課歲增不止此數庚電本想留爲後圖而彼已注意於此加稅不提尤爲狡黠宣懷真

旨松壽調補河南巡撫江蘇巡撫聶緝槩補授于蔭霖調補湖北巡撫十四日 駐蹕西安府城

奕劻李鴻章電信 德國請派專使意在醇親王究未知其何意醇親王上年紀尙輕交涉事宜恐未閱歷如果定議令往必須得力之員贊助一切張翼明練熟悉若派令充參贊可期勝任請代奏

旨電宋慶此時情形有守法無戰法宋慶老成宿望著就現有兵力駐紮太原居中調度惟豫省空虛著派副將郭殿邦帶兵前往扼要駐紮



以備不虞

十五日 駐蹕西安府城

劉坤一致  
樞垣日領  
電稱中國  
若允俄索  
甚爲不利  
電

劉坤一電信 駐滬日總領事電奉外部電聞俄國新約底稿所索其實與佔奪滿洲無異不過巧裝體面耳中國拒之之利迥非允之之害可比拒之而俄妄爲亂行則各國目俄爲妄行侵佔之國是中國之利也若中國一旦允俄所索必開各國要求之端以成不可收拾之勢中國之不利無甚於此此次東三省一事若止係中俄交涉案件各國何苦屢向中國費口舌各國之苦勸實因其關係不止兩國也合先回覆等因特密電云察核電意但論利害不言辦法結局又云先覆無非因未與各國商定不敢先出斷語現將詳覆電語錄下備核文曰承貴政

府指示甚佩茲事現仍婉商力拒未遽稍允但以俄國之強斷非一國之力所能抗況中國積弱之餘非賴各國協力相助恐難使其轉圜亦以關繫不止兩國貴國誼切唇齒是以敢布腹心電懇聯約共助朝廷業已電駐各國使臣飭商各外部昨英瀾侯已允商德美暨貴國政府美外部亦電駐各國美使會各使熟商深感維持之誼此中關繫不獨中國知之即俄亦深知之故迫切中國甚急若各國不向俄勸阻俄更得計勢必益肆要求各國既肯力助中國使地球無偏重之患必宜速爲圖維若至事將決裂則俄成騎虎之勢各國爲謀益難務望貴政府乘英美相商之際竭力贊成中國幸甚大局幸甚仍乞轉達並望電覆云云

呂海寰致  
樞垣公約  
宜速結庶  
兵撤而費  
省電二件

## 十六日 駐蹕西安府城

軍機處致全權大臣電信 咸電已代進呈奉旨垂詢其磨難者皆係何事是否因俄約宕延觀望又昨據盛宣懷電稱聞議賠款七萬萬連利在內分五十年每年還一千四百萬並欲將漕鹽常稅統歸洋員辦理此言確否均望詳細電覆爲要

## 十七日 駐蹕西安府城

呂海寰電信 國電初二譯交外部據稱恐辦不到爲中國計仍以借總債歸還一了百了免致轆轤爲是若分年攤償不但煩瑣且受人挾制各國或藉口利權當將爲難實情縷晰剖辯彼允爲照遞有覆書再送等語屢經往催昨始明言聞各國均不覆德亦不答云問德廷命意

奕劻李鴻  
章致樞垣  
俄約事愈  
緩則愈緊

所在彼亦未肯直言查新報載德水陸兵費已用百五十七兆馬現又  
續籌一年備用兵費百廿兆馬有零商教各款不在內如明年西三月  
以前各兵或全撤或酌裁可從減等語觀此則耽延愈久償費愈多公  
約似宜速結庶冀兵早撤而費稍省海寰叩元

呂海寰電信 咸電遵旨密商德外部據稱須與英日公商俟有辦法  
再告云西報均訾俄在我事處兩難倘能公約先結大局早定可免效  
尤或有仗義助我之人否恐枝節再生愈難收束俟得外部的實辦法  
再行覆命乞先代奏海寰

以上兩電均由南京  
武昌濟南督撫轉

奕劻李鴻章電信 蒸元電旨敬悉楊使元電應俟各國答覆再議是  
尚未開議格使因聞各國饒舌中朝游移負氣不肯相商頃璞科第來

言格接本國密電云將定限期令商妥畫押如逾期須增出條款再逾期則決裂不與商辦羅使元電英外部但言商明德日美政府並未允向俄排解似即排解俄必堅持此事竟無結束國書固甚懇切而部臣未必受商量恐愈緩愈緊務望熟籌利害相機因應爲要除電楊使外請代奏奕劻李鴻章諫

軍機處致劉坤一張之洞電信 慶李電稱俄使因各國饒舌中朝游移負氣不肯相商並聞接本國密電將定限期令商妥畫押如逾期須增條款再逾期則決裂不與商辦等語英日德美雖均退有後言實未肯向俄助我排解現在事局萬緊勢難再行宕延除已有旨令慶李設法向俄商改外特恐俄不受商中國獨力難拒貴督等既與各領事反

奕劻李鴻  
章致樞垣  
俄使請定  
期畫押否

復議論勸其相助務希再與婉商電催各外部速向俄廷力爲排解或可冀就範圍免致決裂爲要

旨電奕劻李鴻章據錫良奏統領劉光才接全權剖井陘各軍退紮晉境不得在直隸地界與洋兵構釁云云晉撫擬爲劃分界限防守已電商該大臣等現在和議將定彼必要我退兵其意何居東天門地勢扼要全晉門戶我已布置周密勢難遽退着即婉商法使彼此畫界互相約束勿再生釁爲要

十八日 駐蹕西安府城

奕劻李鴻章電信 今日傍晚格使來言俄廷電問中國何日定期畫押答以楊使電應俟各國答覆再議各使亦向敝處聲明不可遽許格

則用公文  
訂議電

謂此事與各國無干若向俄廷言及必堅拒碰回試思東省先與俄戰俄費許多兵力血戰傷亡若干人而得之今一旦交還實由我皇寬仁外戶部力顧睦誼所訂條款再三刪減並無礙中國主權若謂恐他國效尤各國現議留兵保護使館及沿途暢道與俄約暫留兵一般且俄留兵尙有撤回之日連界各處蒙古新疆礦路不得讓他國若前數年英議定長江利益不許讓他國德議定山東利益不許讓他國日本議定福建利益不許讓他國中國皆已允行何獨靳於俄尙慮他國效尤耶我此來實爲交情若置不理我國必有訓條另用公文限期成議勿嫌唐突因允將所言轉奏並電楊使旋又婉商有何通融之法彼謂若以第八款各節第七款金州自治廢除恐各國效尤或改作專條密約

亦可答以礦路宜聲明中國自辦不在此例格云伊不敢擅改由楊在俄商辦語畢悻悻而去除電楊使外請代奏

李盛鐸電信 頃外部言英廷因東三省事有詰責俄廷之說如何措詞尙無所聞等語又聞俄索朝鮮鎮海灣兵船游弋恫喝韓人韓堅持不允現日廷密令海軍備戰恐因保韓起見或因東三省事均未敢臆定請代奏

旨電奕劻李鴻章據來電格使又來面言是機有可轉正可藉以調停所有俄約礙難之處前電已詳言之其鐵路礦務直通東北西北兩面尤爲兇險務須電告楊儒與俄外部力爭刪改奕劻李鴻章亦與格使商酌以保我利權爲要至所稱改作專條密約恐仍爲各國所藉口該



奕劻李鴻章致樞垣  
俄約如布告怒必更  
甚電

王大臣等其慎圖之據李盛鐸電日外部言英有詰責俄廷之說密探  
電聞

## 十九日 駐蹕西安府城

奕劻李鴻章電信 刪電述劉張電語似影響之詞英薩使鴻常晤並  
無在京與俄訂約之說何得誑言德領謂中國儘可以各國勸阻之詞  
拒俄或由中國將俄約布告各國約齊向俄理論總可和平了結彼蓋  
謂俄畏各國不知一提各國俄即艱然怒若將俄約布告怒必更甚向  
例兩國議約未定稿之先不得漏與他國況布告耶諫電垂詢磨難者  
何事卽如第七款使館所在境界自行防守初謂不過略擴基址前送  
說帖聲明須彼此勘定界址將中有公所衙署劃出乃該使等自行會

議數次並未彼此會同勸議輒用照會繪圖核定東至崇文門大街迤東西至棋盤街迤北至御河橋將宗人府吏戶禮兵工部並包在內擬令遷移悍然不顧尤可異者堂子爲祭祀重地當日義使據住先經面詰伊允事定退還昨又晤詢則又云須由伊國家作主頃詳具說帖駁論數百言伊等亦置不覆可不謂磨難乎至賠款私議約五萬萬兵費及商教各款在內連利已逾七萬萬英使及赫德欲將漕鹽常稅歸洋商整頓竊計每年亦無一千四百萬之多各使意見不一或謂須借總款歸還但無押款可指僅以漕鹽常稅作押恐人不信此又大磨難之一端未必專因俄約延宕觀望慶李嘯

二十日 駐蹕西安府城

李盛鐸致  
樞垣日參  
謀部言總  
兵來華志  
在援地電

李盛鐸電信 正初據參謀部密告德帥下令諸軍限西二月底備齊糧彈聽候拔隊擬攻何處並未明言現日美兩國決計不從他國未定至進兵之意或因懲首禍或因俄約或因別故均難臆測亦未與各使商酌等語密詢外部答稱事確現首禍照辦當可中止迄未電陳頃參謀密告德軍數千已於十五日拔隊向滄洲一帶恐係進犯山東冀通膠澳之路各國均未同行德帥宣言此次條款中國臣民不願者多非再示兵力不可無理已極就中國論何難背城借一但此次款議已讓到如此地步若復有戰事勢必決裂且袁軍爲各軍之冠倘勝而械彈不繼亦難持久不勝則大局愈不可問不如全軍而退留此一支重兵尙可藉以支持等語並囑電陳竊意德主素稱狼鷲此次派兵來華志

軍機處致  
奕劻李鴻  
章袁世凱  
德犯山東  
陰謀所確  
查電

在壤地自不待言今款議已成復圖進犯實出情理之外參謀所言未  
爲無見但戰既毫無把握讓又何所底止此事如確軍情至緊應否電  
袁撫妥籌伏望鈞奪鐸嘯

軍機處致全權及袁世凱電信 准日本李使嘯電頃參謀部密告德  
軍數千已於十五日拔隊向滄洲一帶恐係進犯山東冀通膠澳之路  
各國均未同行德帥宣言此次條款中國臣民不願者多非再示兵力  
不可無理已極竊恐德主素稱很鷙此次派兵來華意在攘地自不待  
言今款議已成復圖進犯實出情理之外等語李使所述參謀之言是  
否有其事祈密探嚴防電覆爲要

旨電呂海寰伍廷芳羅豐祿楊儒李盛鐸等聞康有爲分遣黨羽倡爲

保國會誘惑南洋噶羅巴一帶羈屬華民該處華民雖居異地情切中朝特恐該逆犯等詭計多端難保不爲所煽動著各迅派妥員前往開導毋任蔓延貽患

二十一日 駐蹕西安府城

宋慶等致  
嶺垣長城  
嶺垣守請  
飭迅商德  
使撤兵電

宋慶等電信 頃接五臺防營稟十八黎明洋人在長城嶺十里外山頂放礮我軍傷亡不能立隊同時另股又攻銅錢溝我軍竭力抵禦奈敵礮太利致長城嶺銅錢溝於午刻失守敵已攔入恐難堵遏等情玉崑擬明日赴忻州督率將士相機辦理查錫良前遵旨照會德帥各不相犯專弁送至鞍子嶺敵營款待頗優卽刻轉送保定何又來攻應請代奏電飭全權迅致德公使撤兵共保和局宋慶馬玉崑錫良等

張之洞致  
樞垣英領  
云中國須  
將俄約各  
條明告各  
國電

旨電奕劻李鴻章據錫良電五台防營報十八日洋兵在長城嶺破傷  
我軍又攻銅錢溝漸將攔入晉境寇氛漸逼現正議和著向各使詰問  
阻止

張之洞電信 今日英總領事來見稱奉其外部瀾侯來電云中國既  
已請各國相助排解現各國正在歐洲極力設法惟中國應速飭全權  
必須將俄約各條明告各國將約稿分送駐京各使各一分並照會各  
使將中國以爲有礙自主之權各條指出請各使公議若無約稿所請  
各國排解者何事各國何從向俄辯論各國不據明文俄可含糊推宕  
不認等語當答以朝廷惟恐干俄之怒未敢宣布若貴國能照會中國  
告以見約之後必代調停雖干俄怒英國亦可會同各國向俄排解不

劉坤一  
致各國  
樞垣允  
約則各  
羣起既  
敢俄何  
敵六國  
電

至決裂則中國便可放心宣布領事允卽照電外部及公使謹奉聞之  
洞效

## 二十二日 駐蹕西安府城

劉坤一電信 呂使電英已經詢俄政府俄如覆英德京自悉不必再  
問日使來問外部答云中國財力土地德不願有所損傷婉商再三允  
爲再發訓條飭穆使仍俟中國知照後迅速在京與各使公商會否知  
照各使殊憂急云又李盛鐸電遼商外部據云各國尙未回覆聞俄外  
部告英使俄據東三省無論何時亦無論立約不立約決不交還現中  
國催俄立約各國阻撓無謂云云據此情形不立約不還地立約亦不  
還地與其立約受給收有名無實之地不如聽俄所爲之爲愈若慮俄

決裂則三省已落俄手無所瞻顧直隸有聯軍在俄何能進兵東南各省他國斷不容俄覬覦新疆路隔沙漠用兵尤難是俄不過恫喝故技倚中竟允畫押必羣起而瓜分等語竊思各國互議保全中國不分割之舉俄亦在內揣各國之意或俟公約定後京津聯軍先退俄若不還東三省再向詰問逼令退出俄人知之先逼立約若堅持不許俄或擯三省客吏此外想無甚可慮恐俄亦未使用兵許之則各國羣起東南不保矣中不能敵俄又何敢敵六國存亡所關務望力請拒俄以俟大局漸定云云又張督電德日英均已電俄詢之其事甚確兩害取輕爲中國計與其使各國效尤不如聽其所爲英德允公商似與空言有別但須先行知照耳請裁之



二十三日 駐蹕西安府城

上諭錫良着開缺另候簡用山西巡撫着岑春煊調補端方調補陝西布政使並護理陝西巡撫

李鴻章致  
樞臣俄約  
駁改數款  
保全不少  
請照准電

李鴻章電信 頃接楊使電刪改約章如下第四款原文中國允於路工云云至末句止改爲中國爲保東省路工與開辦鐵路事宜並中俄交界無事起見應與俄商定滿洲兵數及駐兵地方禁軍火入滿洲照各國公約辦法目前暫由中國自禁六款全刪七款尾金州自治之權廢除句刪去八款改云中國在滿洲境內如未與俄商明不允他國或他國人造路開礦及一切工商利益十二款改云十八年九月二十八號中國向一私家公司借款造山海關牛莊新民廳等處鐵路直至滿

洲有背中俄成約現爲酬報此層並爲速令滿洲平靜起見中國允東省鐵路公司自幹路或枝路至直隸滿洲交界之長城爲止照現行合同辦理又五款革職改爲調離滿洲內地巡捕兵與俄商定句下加地方未經全行平定以前十字不用他國人現改祇用中國人十款末句現改中國允照各國核准駐京各使擬定賠款與各該公使商賠按原約十二款現改爲十一款原第七至十二款改爲第六至十一款該國定於本日起限十四天畫押逾期則交收作罷論當按迭次電旨各駁款除十一款所商未允外十二款雖未允商亦改去向京字樣不聲明酬報山海關鐵路可杜異日購買此路之口其餘逐款駁改如四款與商駐兵地方即非到處不准駐兵與專指鐵路邊旁之意尙不背禁軍

盛宣懷致  
樞垣昨寄  
傳相電云  
各國未必  
肯結俄怨  
電

火照公約尙近情六七八等款一一聽命甚有關繫所駁各節稍得面  
子十款尾所改與公約相同之意較有限制至效尤一層最要者七八  
兩款已改十二款聲明緣由亦難藉口保全利權不少可請聖慈照准  
二十四日 駐蹕西安府城

盛宣懷電信 昨寄傳相密電如下呂電德廷催中朝行文各使能否  
辦到英已詰俄未知如何回答云云竊恐各國未必肯結俄怨但先相  
阻而後圖效尤耳第一款吏治一切照舊明使吏治之外一概屬俄下  
條引伸之又推廣之將來德於山東必先援引聞瓦帥赴膠與膠督議  
事德兵添一年餉尤可慮各國請廢專約交收豈能無約乎或又請緩  
然交收愈緩愈壞格惻喝請速定俄固獨享倘竟如中外所料各國乘

其兵力於公約外照樣要素一俄且不能拒況衆俄乎此次拳禍費盡心力幸免分裂而終入其阱中國休矣列邦以惡名加於俄中外復以此俄之名加於中堂後世論者誰能曲諒乎焦思數日尙無善策置身俄廷一想旣以歸還三省宣揚各國斷不失信旣知中國並無吝惜祇恐各國效尤轉向求全斷不翻面請電楊子通勿畏艱難正可借各國之力步甲午收遼東之法吏治之外將關礙永遠政權者推廣利權者悉已收回總期布行新政之後毋悔此約之難復又有一說如俄之約三省終在彼掌握何爭旦夕似可力勸其目前放鬆將來補救俄仁義當不欲我剖分肇於彼也公義私情不敢緘默乞秘察云宣懷箇亥

二十五日 駐蹕西安府城

劉坤一使  
樞垣呂使  
電云公約  
速結再商  
俄約乃爲  
上策電

張之洞致  
樞垣陳致  
俄約效尤  
之害請勿

劉坤一電信 呂使箇電云效號電計達德於滿洲並無利益英日最

有關繫倘我懇其出而排解事或有濟則德亦不甘居後德與俄鄰其  
不肯爲我開罪於俄理所必然日爲切膚之痛我若畫押未必不先藉  
口英既以久約暫約詰俄則英或有辦法海屢商外部彼終以飭穆使  
在京與各使公商爲辭是否助我抑另有密意殊難揣測各使倘肯公  
同調停則公約速結再商俄約乃爲上策聞德索兵費三百兆馬如西  
四月以前兵不能撤尙須加增曷勝焦憤乞轉樞並慶李張云謹聞坤  
一敬二

張之洞電信 頃始得詳觀俄約底蘊其中效尤之害不一而足請臚  
陳之俄路駐兵令我供房屋糧食若皆效尤則蘆漢鐵路洋兵布滿中

國矣一也東三省只准設巡捕不准設兵並繳軍械若皆效尤則京城及直隸全省皆不准設兵帶械坐而待縛後患不勝二也東三省撤臺禁礮若皆效尤則京城及直隸全省皆無一礮三也公約大綱十二條中原有禁軍火一條查敵處前曾與英德使電商此條云須定年限英德兩使覆電均云可以商酌今東三省乃永禁之另立禁軍火一約與內地有礙若皆效尤萬一各國環攻束手待斃四也北省沿邊蒙古新疆各處不准中國人及他國人開礦造路須問俄人北邊數萬里已非我有假如各國效尤英於長江德於山東日於閩法於滇皆不准中國開鑛造路中國全國政治土地理財行兵之權皆爲人有矣且我於東北西北各省准他國人開礦造路尙是牽制互相維繫之策亦不能允

俄人阻斷他國之請任其壟斷待其吞噬中國一線生機只在各國牽制一語豈可自行割斷五也至直修鐵路到京俄有護兵而不准我設兵此其害尤永遠危險不待效尤而其禍立見矣六也伏乞堅韌持之萬勿畫押以貽大患瀝陳以備聖裁請代奏之洞肅敬叩

張之洞電信 接日本駐滬總領事電稱頃奉外部電開准駐俄日本欽使電駐俄英使向俄政府問俄國此次約款與去年宣布之言何以不同俄外部答云新約內並無有礙中國條約之款且新約各款不過表明俄國願辦之事仍可商議刪改中國實願速行簽定在俄國並無逼求畫押之意惟有聯軍未去北京中國政府未能照舊辦事之前不願交還侵地此間不難商辦等語本大臣會俄外部亦言新約不過表

明俄國之願所有條約仍可刪改且言願速簽定此約者並非俄國而在中國因此觀之俄國並非以決裂爲辭迫求定約者某議和大臣謂中國若望俄國日後交還侵地必須迅定此約其誤甚矣總而言之俄國日後交還侵地並非中國簽定此項新約之故實由俄國屢向各國宣布在前之故予卽將此意密達務請堅持力拒斷勿輕許中國若許此約恐別國亦效尤馴至瓜分之禍合并切實聲明等因查來電切實分明是英日均已詰問俄廷俄外部云並未立逼畫押且將有害中外條約之語一概不認顯係自知理短與八月間俄國官報所載俄主布告各國之語不符乃云可以商改聯軍未退以前此間不難商辦云云是俄已懾於各國情事顯然至所云中國欲速行簽定固是推賴之詞



查李相屢電皆有俄成見牢不可破之語且於英日勸阻深致不悅是其意見不無稍偏之處伏懇朝廷堅持定見分諭全權楊使此約萬勿遽行定議即使略允商改大致仍謬一與定議瓜分立見悔不可追姑再候數日看各國議論情形再爲裁酌大約總須將十二條照錄送各使公閱爲要若中俄兩國私行定議必受大害仍貽各國口實總之草約乃增祺擅定與國家何涉此次詳約乃俄國自開勒派並非中國所請何爲不可布告各國評論此次奇變鉅變國勢已危支持半年幸而和局將定若因俄約誤允仍歸瓜分萬分可痛可惜急迫上陳請代奏軍機處致全權電信 奉旨電奕劻李鴻章濬電悉據楊儒電稱反覆與俄外部爭論已允將前約略爲改動如所改約稿仍有關礙楊儒務

當乘機按前迭次電旨所指各節再與婉切商改總以不致各國效尤  
貽害爲妥頃據羅豐祿電稱英瀾侯云現正詰俄並商德美日中國只  
須抱定四國未回信不遽畫押俄不至別有加害候商定辦法再告又  
據劉坤一張之洞來電日總領事梗電云日外部電稱駐俄英使已向  
俄政府詰問以此次所索約款與去年宣布之言何以不符俄答以新  
約並無有礙中外條約之款不過表明俄國願辦之事仍可商議刪改  
中國實願速行簽定俄並無逼求畫押之意惟聯軍未去北京之前不  
願即還侵地是俄並非以決裂爲詞逼求定約議和某大臣謂若望俄  
交還土地必須速定此約其誤甚矣務請堅持勿允中國如允此約各  
國必至效尤馴至瓜分而後已是俄經英日詰問俄亦自知理屈與布

告各國之語不符中國不難向其商改各等語詳覽各電俄既不認催迫定約且謂中國願速簽押是懾於各國公議明露有可轉圜之意奕劻李鴻章務須堅持定見婉商俄使設法從容磋磨務臻穩協又據呂海寰電稱各使儻肯公同調停則公約速結再商俄約乃爲上策聞德索兵費三百兆馬如西四月以前兵不能撤尙須加增等語是各國公約宜先迅速議定該親王等迅向各國妥議各款早定和局毋再延宕尤爲至要再劉坤一張之洞屢請宣示俄約謂此約係俄自定勒派並非我與商訂者無妨布告各國言亦近理或將此約交與各使閱看並著酌辦又據張之洞電陳俄約效尤之害一鐵路駐兵令我供房屋糧食若效尤則蘆漢鐵路洋兵布滿中國二東三省只准設巡捕不准設

兵若效尤則京城及直隸全省皆不准設兵三東三省撤臺禁礮若效尤則京城及直隸全省皆無一礮四大綱十二條原有禁軍火一條前與英德使電商須定年限英德使覆電均云可以商辦今東三省另立軍火一約與內地有礙五北省沿邊蒙古新疆皆不准中國及他國人開鑛造路須問俄人北邊數萬里已非我有假如各國效尤英於長江德於山東日於閩法於滇皆不許中國自開鑛路中國全國政治土地理財行兵之權皆爲人有且我於東北西北各省准他國人開鑛造路尙是牽制維繫之策亦不能允俄人阻斷他國之請任其壟斷待其吞噬中國一線生機只在各國牽制一語豈可自行割斷六直修鐵路到京俄有護兵而不准我設兵此永遠危險不待效尤等語所論尙爲透

宋慶等致  
樞垣德法  
商海晉省  
防不勝防  
擬援兵以  
維和局電

澈奕劻李鴻章楊儒務當詳加參酌總期中國政權利權不至全失勿使各國效尤爲斷

宋慶等電信 廿二欽奉簡電旨同時又奉十八日寄諭飭派副將郭殿邦帶領所統各營前往河南會商撫臣擇要扼紮各等因欽此當即欽遵商辦查晉省沿邊千餘里大小山口數十處實屬防不勝防洋兵詭譎慣於包抄去夏北倉之役挾河據險隙無可乘彼乃正兵當其前分兵繞其後使我不得不分勁兵抵禦今鞍子嶺長城嶺亦皆從山徑抄後使我力顧不暇且稍作布置彼便藉口昨接全權電云法使稱劉光才等兵多埋地雷作地營圖抵禦法不便畏而卻避囑諭諸將鎮靜俾免誘敵深入等因雖曰德法兩不相轄但德既洶洶法亦必乘而觀

豫晉省防營爲數雖多而積習已深難期得力毅軍三十餘營現北路已有三軍兵力較厚昨又派礮隊前進惟平定一路只有陳希義一軍省城留隊更少且教民孔多撫臣雖竭力撫輯究難保無虞謠傳晉地富厚敵所垂涎馬玉崑尙未宜遽行北去總之兵亦不宜過分必養蓄全力遙應秦中昨已會委道員潘乃光先入德軍商阻前進再赴東路力勸法人彼此按兵以維和局能否允從殊未可料一面通飭防營權宜因應勿啟兵端又查郭殿邦赴平定遣散潰勇尙未竣事復來一起晉省本請暫留奉旨全遣勸繳鎗械頗有梗阻亦深慮其沿途人衆或致騷擾不得不權宜辦理慶並飭其酌奪情形或暫留一二百人以觀後效藉弭內亂該副將經手遣費等項清理亦尙需時慶等會商豫省

既覺空虛擬俟北路軍情略定先行抽調三四營由慶力疾督率前往  
與河南撫臣會商扼紮俟郭殿邦經手事竣再行續抽四五營到豫訓  
練該副將到後慶再查看何省緊要卽赴何省駐紮所有山西防務現  
在但宜因應馬玉崑與錫良頗能和衷辦理自無隕越是否有當仰祈  
代奏宋慶馬玉崑濂

## 二十六日 駐蹕西安府城

劉坤一電信 盛京卿敬電小田切以外部電來英文俄約十二條交  
閱大概與華文一樣指稱首條專說吏治照舊不安四條設兵與俄商  
定數目不安軍火禁入滿洲不專指外洋與公約不同五條辦事不合  
邦交大員卽革與公約第十款不同六八條十二條應刪我不允彼必

劉坤一  
致  
樞垣  
稱俄約  
應  
刪改各  
條  
似宜令  
楊  
儒商改  
電

讓等語楊電已允略改與俄答英言符惟我電索改者尙不合各國意  
俄必執定一改不能再改應請預酌云日所稱應刪改及不安各條皆  
關我自主利權亦與公約不符似宜乘機令楊商改免定後不合各國  
意俄不允再改轉多爲難縱俄未能全允亦可隨時體察各國情勢相  
機再酌是否仍乞鈞裁坤一有

軍機處致楊儒電信 據江督電稱日員小田切以外部來電英文俄  
約十二條交閱指稱首條專說吏治照舊不安四條設兵與俄商定數  
目不安五條辦事不合邦交大員即革與公約第十款不同六八十二  
條應刪我不允彼必讓等語現在俄約已擬緩辦若擬改後仍奪我利  
權政權與各國之意不合俄若堅執不肯再改轉多爲難希於俄約未



定以前切實磋磨爲要

## 二十七日 駐蹕西安府城

宋慶致樞  
垣晉省防  
務與錫良  
等和衷會  
商電

宋慶電信 頃奉有電旨欽遵廿四據孫多慶等稟報洋兵北竄五臺山我軍據閣子左峨等處以扼臺城之要等情會同錫良等電奏在案惟鞍子嶺長城嶺險要旣失民心驚惶馬玉崑已馳赴閣子嶺等處查看各營防相機因應又據潘乃光稟探知德督兵葛德麟素重交誼其繙譯與潘道帶去之引委員當日在津同學廿五准到石嘴晤商等語統俟馬玉崑等續報確情再行電奏並接郭殿邦報稱潰勇經其撫導均回籍已於廿四遣竣未留據稱沿途不致滋擾晉省防務慶與錫良等商意見皆同慶行動不便遇有要事錫良卽親來面商彼此和衷不

奕劻李鴻章奏和議  
將成預籌  
彈壓京畿  
摺

敢互譏該撫於民教等事尤甚持平合並聲明祈代奏宋慶叩宥

臣奕劻臣李鴻章奏爲和議將成預籌調撥勁旅彈壓京畿地面恭摺  
具陳仰祈聖鑒事竊維京城內外及近畿一帶地方始被拳匪擾亂繼  
經洋兵佔踞官吏失權小民失業以致匪徒蜂起肆行搶劫居民不遑  
安枕行旅咸有戒心擾害之甚實爲從來所未有臣等到京後迭經轉  
商各國公使及其統兵大員分段設立安民公所多派華洋巡捕晝夜  
梭巡然搶劫之案猶復層見迭出峻法嚴刑不能禁絕現在和議大綱  
業經奉旨照允第二款懲肇禍諸臣已將辦結此後應卽接商各款各  
國現駐軍隊留護使館及駐守暢道外餘兵即可催商撤退交還地面  
若不預調勁旅分別填紮必至各匪乘機復起更肆荼毒爲患不可勝

言且聯軍既退以後聖駕即日回鑾猶應廓清畿甸以固邦基京城原有步軍及五城練勇經此變亂半多逃散即使招集復額難期得力臣奕劻所統神機營各隊一切器械均被洋兵搜奪亦難責令徒手辦匪直境防軍又因餉絀裁併祇能專顧外府州縣臣等思維至再查山東巡撫袁世凱所部武衛右軍教練有素約束嚴明東省近尙安謐似可借調來京以資鎮攝當經函商該撫旋准覆稱東省伏莽素蕃東路之鐵軌礦務現已照約開工各屬教堂林立教士踵接人情浮動甲乎各省土匪馬賊往往窟穴此間稍有疏虞動釀鉅變全賴所部武衛右軍七千人分紮要隘始得免於糜爛反覆籌計止能抽撥三千數百人以之彈壓京城內外或可敷用若再分布四路各廳恐有顧此失彼之慮

宋慶馬玉崑所統不下兩萬餘人久駐太原似無所用馬玉崑爲直隸提督肅清畿輔亦有分內之責可否再調宋馬兩軍分屯近畿各路等語臣等伏查山東地居衝要又與德界密邇弭患銷萌胥資兵力袁世凱允撥武衛右軍三千餘人屯紮京城實係兼籌並顧之意自應照辦惟城外四鄉各處羣匪如毛亦必須派兵駐紮隨時巡緝以善其後應請再調馬玉崑八營分屯順屬東西南北四路以厚兵力惟須由馬玉崑慎選得力將弁申明紀律庶幾保衛地方不致轉增擾累一俟事局大定京城內外漸臻安靖再飭回防如蒙俞允卽請飭下袁世凱馬玉崑預爲部署聽候臣等調遣並先將奉准諭旨電知臣等以便酌度情形與各國使臣先行商定辦法再行電令各軍遵照起程以免齟齬所

有預籌請調勁旅彈壓京畿地面緣由理合恭摺具陳伏乞皇太后皇上聖鑒訓示謹奏光緒二十七年正月二十七日奉硃批著照所請

旨電奕劻李鴻章據轉楊儒電悉俄約更改在俄尙敦睦誼楊儒亦頗費磋磨惟其中細目尙有空礙之處恐爲各國藉口如第一款吏治照舊而不及利權兵權應商改爲一切照舊第二款辦到之日止爲日太長應商改爲開辦之日爲止第八款尤關緊要現改仍包括太廣必招各國之忌或於一切工商利益句下添中國自行設法造路開礦等項利益不在此例似此添改無多當尙不難婉商此外如尙有何關礙之處著奕劻李鴻章楊儒再行詳細推敲務臻妥協限期過迫倉卒定議英日美等國尙無回信仍難免藉詞效尤應再商展限總之此事關繫

張之洞致  
樞垣俄約

大局甚重全賴奕劻李鴻章楊儒彼此電商博采周咨熟權利害輕重以定畫押遲速俾免俄國及各國別生枝節致貽鉅禍奉天交還地方著奕劻等電知增祺妥爲接收

岑春煊奏赴晉撫任辦防請准節制各軍並請餉項百萬摺

旨寄岑春煊覽奏已悉該撫前赴山西任大責重務將防務教案次第妥慎經理總期力顧大局勿存成見在晉防軍除宋慶馬玉崑兩軍外餘軍均歸節制王世雄並准帶往所請餉項着戶部先撥銀四十萬兩交該撫隨帶餘銀六十萬兩陸續解往接濟

二十八日 駐蹕西安府城

張之洞電信 聞俄約已經略加刪改慶李已據楊儒電具奏限二月

請商展限  
以免各國  
之怒電

初七日畫押不勝焦急查所改雖較前略勝然要緊關礙處尙多昨日本總領轉外部電代我指駁共六條極扼要中肯如吏治下宜加政權之類江督已電奏不再贅陳此次所刪僅第六款他國人練兵耳然從前究竟有無確實已允成議洞未能知如李相當日曾允則此約刪如不刪事鉅期迫一時輕許百世之害雖不能概行駁改然最要處總須挽救數分竊擬暫時惟有先行商懇展限一法擬請旨電飭楊使告俄言此等大事我國必應詢訪在朝諸大臣及外省各大臣詳慎籌計請旨裁度斷非七日內所能猝定懇展至二月底並可即抱定羅使電以四國未回信不遽畫押爲詞明告俄人一面電飭駐英德日美法各使臣令其切託外部轉向俄外部代我商懇展限有此數句功夫我方

奕劻等致  
樞垣俄約  
既經刪改  
若待各國  
排解恐未  
必再讓電

內籌抵制之策外釋各國之謀上則留遼東報本之生機次則免耽耽  
各國之衆怒洞尙有管見即續陳請代奏之洞肅感一

奕劻李鴻章電信 頃據楊使敬電羅使覆稱沙侯云德美日尙無覆

音伍使覆稱外部云已電各駐使婉商未便過強呂李覆未到探聞俄  
外部告英使云俄現商交地章程未變宗旨英使並無詰責之語問答  
已登路透報昨晤美使據云政府前致中國公文謂如許一國利益爲  
中國危曾將此文錄送俄外部儒密詢伊看法如何據云各國詰俄須  
預備決裂中外尙未修好欲遽爲中國出力以敵俄太難等語現約款  
既經刪改若必待各國排解恐俄未必再讓轉多一異日之酬勞不可  
不慮乞並奏聖裁熟籌決計云請代奏奕劻李鴻章泐



旨寄奕劻李鴻章宥沁轉楊儒兩電均悉俄約雖已多商改然仍有窒礙之處恐爲各國藉口效尤圖我並非望各國助我排解也此約關係利害甚重必須詳細熟籌期限太迫務再商請展限寬以時日從長計議如不肯緩則第一款吏治一切照舊則政權利權俱包在內第二款辦到之日改爲開辦之日第八款添中國自辦不在此例末款長城鐵路亦須再酌改輕有詞以謝各國或不致藉口昨已電諭會同妥商酌辦此事全賴奕劻李鴻章楊儒妥訂總期訂約以後各國不至藉詞貽禍爲斷朝廷非必堅持也楊儒可明告外部中國深賴俄爲保全所請展限商改實恐各國藉口效尤爲害不能不慎重徐商務請見諒爲要

西巡大事記卷五終